

ANDRA MARIA ERDOIZA-KOA.

¡Andra Maria Erdoiza-koa
Izurza-tarren gloria!
Emon eiguzu eche danetan
Osasuna ta bakia:
Eta arimak salbau daiguzan
Biarra dogun guztia.

Zu zara gure Ama laztana,
Gure laguntza zerutik,
Gure premiña danetan, arren
Lagun, zagozan lekutik;
Agur Maria, diñogun onei
Geure biotzen erditik.

Agur Maria, Jaungoikuaren
Ama graziaz betia,
Andra guztien artean beti
Zara zu bedeinkatia:
Bedeinkatia da *Jesus*-bere
Zure sabelko Prutia.

¡Santa Maria, Jaungoikuaren
Ama! Zeuk beti goguan
Pekatariyok euki gagizuz
Zure erreguben barruan
Orain ta beti, salba gaitzezan
Eriyotzako orduan.

JOSÉ IGNAZIO ARANA-KOAK.